

Famoso Director Paul Verhoeveny “Abo So” a atrae un publico grandi



ORANJESTAD - Ayera nochí AIFF 2013 a cuminsa cu un acogida enorme. Un gran cantidad di prensa internacional y un publico local entusiasmo a muestra un interes grandi pa e contenido di AIFF. Paul Verhoeven, conocido director Hulandes cu a gara fama cu pelculanan manera Robocop y Basic Instinct, e biaha aki a bin cu un pelicula moderno, na unda publico Hulandes a asisti pa traha e storyboard di “Steekspel”, mientras e tecnica di filma pa Verhoeven tabata desconoci pero hopi excitante. Aunke e pelicula tabata na Hulandes, varios di e artistanan internacional, manera Sra. Virginia Madsen y Sra. Maria Con-

chita Alonso a keda pa wak e pelicula aki. Despues di “Steekspel”, Aruba a conoce e premiere global di “Abo So”, e pelicula Arubano di Juan Francisco Pardo, un storia amoroso uzando e musica di nos Padu del Caribe. Padu mes a bin pa admira e produccion aki. A logra yena 2 sala di Caribbean Cinemas pa cumpli cu e demanda enorme. Proximo diana AIFF lo sigui cu un programa varia, di pelicula grandi y chikito, documentarionan, pero tambe elementonan educacional, na unda artistanan y directorman famoso, manera Paul Verhoeven lo duna “Masterclass” of unda lo tin “In conversation with” pa tur hende interesa, amateur of

profesional.

Programmer di AIFF, Sr. Aaron Hose ta hopi orguyoso cu AIFF 2013 ta un produccion local, unda a uza e experiencianan di e prome tres edicion di un grupo entusiasmo, ta trahando duro pa cumpli cu e soño pa establece un evento cultural y internacional na Aruba. “Mi ta hopi orguyoso cu un produccion manera ‘Abo so’ cual ta un producto directo di e serie di Aruba International Film Festivals, esaki ta un muestra cu nos ta capaz pa introduci un industria nobo, siñando di talentonan internacional y pa despues ehecuta door di nos mesun hende”. Asina Sr. Aaron Hose a bisa. □